

# Juanpan Afanan Icoinra Huafo Cunushoni

---

## Juanpan ato yoisharani

<sup>1-2</sup>Unquian, Juan, un fari ichapa icoindra huafo un aton cushumisi. Un mato cunu fomai man tapinon. Tsain icon non nicamisi cuscan nocon nomuran non nanupacunaca. Ascan nanno ichananfo Upa Diosin mato catonni urifi matohuun noicoín. Urus fustima. Jesús icoindra huaa futsanfori matohuun noicoín. <sup>3</sup>Upa Diosin Furun Jesucristo futan iconquin nocohuun noi. Ascan noco cashman shara huafain nocohuun ramapaicain nocon nomuran shinamashara nocon nomuran non unimacoinon.

## Upa Diosin noco yononi non nantifi noicoín

<sup>4</sup>Upa Diosin noco yononi ahuun tsain iconcoín tanasharanonfo. Atirifi Upan yononi cuscan aiton nicai un fasi unimai. <sup>5</sup>Uhuun yoramishtichin, na un mato cunushonaicai tsain funama. Man Jesús icoindra huaquin tau huani cuscan man man nicamisi. Nocon Ifoan noco yoimisi cuscan un afanan mato yoi non noinanoncahuun. <sup>6</sup>Noco yononi cuscan non ahuun noicain non futsafohuunri noicoínnon. Man tau huaquin nicamisi cuscan noco yononi isca huaquin, —Shafatifi non noinanoncahuun, —ishon yoini.

## Ratofomain Jesucristo icoindra huai

<sup>7</sup>Ascan tsain futsari mato yoi. Fuparapaimitsamisi manifoannati pashcanain futsucani, —Jesucristo nan Diospan Furun apa ariashu mai ano oni nocofunucoin ishquin, —ishoncai yoipaicanima. Ascarafoan mato fuparapaimisifo Cristo noicasmafain icafo. <sup>8</sup>iOinfain! Atohuun caoyamacahuun. Man funotiroquin. Upa Dios yonoshofiaqui man atohuun caohuaino mato inanpaiyai cuscan man funotiroquin. Ato nicayamacahuun nantifi Upa mato inanpaiyai cuscan fishcaquin.

<sup>9</sup>Tsoan Cristo yoini cuscan atama futsa tanashu acai Diospan yorama. Ascan Cristo yosini cuscan nan fusti tanacoín Apa Diosin yafi Furun fu rafui. <sup>10</sup>Tsoan Cristo tsain cayacaficoín yosiyamaiton maton pushu muran iquimayamacahuun. AQUI unimayamacahuun. <sup>11</sup>Maton pushu muran iquishon futsafori amaquiri yosiaino matohuunri nutiroquin.

## Ahuun tsain unutaqui

<sup>12</sup>Un mato paratama cunushopaifiain unfincoín matoqui nocopai non yoinonanon. Ascan non natian unimafiai un matoqui nocoaino fasi mimacai non unimanantanantiro.

<sup>13</sup>Nan pushu futsano ichananfo Upa Diosin atori catonni ahuun facufo inonfo. Nanfoanri mato yoisharapaicani. Nanti.

*Juan*